


浙江採集遺書總錄




			五	漢書門
一	五	〇	〇	
冊	架	函	號	類

庫	文	閣	內
无	五		漢
函	二		書
一	一		
架	〇		
冊	號	類	

內閣文庫	
番號	漢 5210
冊數	10(7)
函號	297 73

說家 執玩 類事 叢書
 五行 兵家 農家 醫家 目錄 二



浙江採集遺書總錄

庚集


說家類二 文格詩話

文則一冊 刊本

右宋少傅天台陳揆撰摘舉六經文句以見古人立言體要及句法字法不苟如此有乾道庚寅自序

王公四六話二卷 刊本

右宋王銍撰宣和四年銍自序云銍類次先子所論詩賦法度與前輩話言附家集之末又以銍所



聞於交游間四六話事寔私自記焉

四六談塵一卷 寫本

右宋太常少卿陽夏謝伋撰亦論駢體作法凡五十有五則

金石例十卷 瓶花齋寫本

右元翰林學士濟南潘昂霄撰首述誌銘之始次述韓文體例末二卷為先正格言史院凡例有至正年潘詡跋焦氏經籍志作楊本撰誤楊本鄱陽人蓋嘗校其書者○吳焯云此書有三刻一濟南本一鄱陽本為王思明所校一為龍宗武摹泰

和楊寅弼抄本而刻者今本從鄱陽本傳抄故有思明序又云世行本僅九卷近項霜因得王弇州藏足本因借錄補云

詩文軌範二卷 寫本

右元常熟徐駿撰皆評論詩文語

六藝流別二十卷 刊本

右明黃佐撰自序云聞之董生曰君子志善知世之不能去惡服人也是以簡六藝以善養之其學大矣而各有其所長詩道志故長於質書著功故長於事禮制節故長於文樂詠德故長於風春秋

司是非故長於治易本天地故長於數人當兼得其所長是故舉其詳焉志始於詩以道性情爲謠爲謠謠之流其別有四爲謳爲詠爲怨爲歎其拘拘以爲詩流其別有四爲詠爲吟爲怨爲歎其拘拘以爲詩也則爲四言爲五言爲六言爲七言爲雜言其雜近於文而又與詩麗也則爲騷爲賦爲詞爲頌爲贊其專事對偶亡復蹈古則律詩終焉書行志而奏功者也其源以道政事爲典爲謨典之流其別爲命爲誥謨之流其別爲訓爲誓凡典上德宣於下者也又別而爲制爲詔爲問爲答爲令爲律命

之流又別而爲冊爲勅爲誡爲教誥之流又別而爲諭爲賜書爲書爲告爲判爲遺命而間亦有不盡出於上者焉凡謨下情孚於上者也又別而爲議爲疏爲狀爲表爲牋爲啟爲上書爲封事爲彈劾爲啟事爲奏記訓之流又別而爲對爲策爲諫爲規爲諷爲喻爲發爲勢爲設論爲連珠誓之流又別而爲盟爲檄爲移爲露布爲讓爲責爲券爲約而間亦有不盡出於下者焉禮以節文斯志者也其源敬也敬則爲儀爲義其流之別則爲辭爲文爲箴爲銘爲祝爲詛爲禱爲祭爲哀爲弔爲誄

沈氏校集遺言總錄
三
爲輓爲碣爲碑爲志爲墓表皆因乎書之制焉樂以舞蹈斯志者也其源和也和則爲樂均爲樂義其流之別爲唱爲調爲曲爲引爲行爲篇爲樂章爲琴歌爲瑟歌爲暢爲操爲舞篇皆因乎詩之風焉春秋以治正志者也其源名分也其流之別爲紀爲志爲年表爲世家爲列傳爲行狀爲譜牒爲符命其大概也則爲叙事爲論贊叙事之流其別爲序爲紀爲述爲錄爲題詞爲雜志論贊之流其別爲論爲說爲辨爲解爲對問爲考評而凡屬乎書禮者不與焉易則通天下之志矣其源陰陽也

其流之別爲兆爲繇爲例爲數爲占爲象爲圖爲原爲傳爲言爲註而凡天地鬼神之理管是矣究其大都則言而履之禮也行而樂之樂也藝雖有六其本諸心則一也昔晉摯虞嘗著文章流別其亡已久故予蒐羅散逸以爲此編統諸六藝竊比於我董生云

玉堂日鈔三卷

寫本

右明侍讀學士嘉興黃洪憲輯雜抄前人論文論詩論史之語凡十餘種間亦參附已說焉

文斷十五卷

千頃堂目作四卷
又注云一作十卷

寫本

右不著撰人按明史藝文志作唐之淳撰詳論作史矩法以諸經子史及唐宋八家分條編次皆彙采舊說而釐之者

詩話總龜四十八卷後集五十卷

刊本

右宋阮閱撰說見下

茗溪漁隱叢話前集六十卷後集四十卷

刊本

右宋晉陵令吳興胡仔撰自序云余聞舒城阮閱昔爲郴江守嘗編詩總頗詳備後居茗水取讀之蓋阮因古今詩話附以諸家小說分門增廣獨元祐以來諸公詩話不載焉考編此乃宣和癸卯是

時元祐文章禁弗用故阮畧之余今取元祐以來諸公詩話及史傳小說所載事可以發明詩句者纂爲一集凡詩總所有此不復載一詩而二三其說者則類次而折衷之又以余舊所聞見爲說以附益之其書但以年代人物之先後爲次第不似阮之分門別類此則體裁各異耳

碧溪詩話十卷

寫本

右宋黃徹撰朱彝尊云徹字常明書錄解題謂是莆田人而八閩通志則云邵武人舉紹興十五年進士殆家本莆田而占籍邵武者也編中持論多

本少陵自言官辰沅逾年顧志州郡官師者不載
姓氏集亦失傳

環溪詩話一卷 寫本

右宋處士崇仁吳沆撰環溪沆所居也因以為號
諡曰文通先生有淳熙丁酉謝諤撰行寔及慶元
庚申何異敬撰序見卷中

吟牕襍錄四十卷 刊本

右宋學士陳應行撰彙錄前人所著詩評詩格詩
圖諸類頗詳亦以時代先後為次者

歷代吟譜四卷 寫本

右前人撰此則沿論漢魏以後各詩體

詩人玉屑二十卷 刊本

右宋魏慶之撰淳祐甲辰黃夏序云詩之有評猶
醫之有方評不精何益於詩方不靈何益於醫友
人魏菊莊詩家之良醫也是編自有詩話以來至
於近世之評論博觀約取科別其條凡升高自下
由粗入精之要靡不登載

對床夜語五卷 寫本

右宋太學生錢塘范景文撰亦襍記詩話之書

娛書堂詩話一冊 寫本

右宋宗室趙虓撰條論詩法兼有考証

優古堂詩話一冊 寫本

右宋吳开撰亦禱論唐宋人詩間為辨証其故事
今本明嘉靖間汝南袁表校閱

陳日華詩話一卷 寫本

右宋陳日華撰亦多述唐宋人之說別有談諧一
卷附後

觀林詩話一卷 寫本

右宋人撰不知姓名卷首但署楚東吳聿子書云
天厨禁鬻三卷 寫本

右宋石門釋洪覺撰明黎堯卿跋云頗得三昧法

闕詩壇蹊徑在焉

南溪詩話二冊 刊本

右書摘錄羣賢詩話有明正德時王承裕序云南
溪逸其姓名當為勝國時人

修辭衡鑑二卷 刊本

右不著撰人亦節錄歷朝詩學詩話之類

南濠詩話一冊 刊本

右明都穆撰多論宋元及明初人詩

菊坡叢話二十六卷 寫本

右明岷縣令臨川單宇輯哀古今詩話兼附已說
分類爲編自天文地理至四六樂府爲二十有六
門門各一卷成化元年自序

懷麓堂詩話一冊

刊本

右明大學士李東陽撰王鐸序稱其評論折衷如
老吏斷獄無不曲當

哲匠金桴二冊

小山堂寫本

右明楊慎輯第摘取古人詩句以韻次之間有一
二及他書籍者無所發明也

丹鉛詩話補遺三卷

刊本

右前人撰慎先有金桴玉屑及詩話三編茲復補
其所遺乃門人晉陽曹壽甫詮次

詩法源流三卷

刊本

右明王用章輯取傅與礪黃子肅揭曼碩楊仲宏
諸家論述詩法爲上卷取傅若川所選漢魏及陶
靖節詩爲中卷取少陵五七言律數十首而箋其
格意爲下卷下卷有楊仲宏跋云是少陵門人吳
成鄒遂王恭三子所傳蓋託言以欺人者

詩藪十二卷

刊本

右明蘭溪胡應麟撰亦采集衆說考論詩學源流

之書

渚山堂詩話三卷 刊本

右明德清陳霆撰評詩以風調品格爲先兼有攷証語

蓉塘詩話二十卷 刊本

右明仁和姜南撰凡一十八種有洗硯新錄輟築記半村野人閑談諸名目每種題一名而總署曰蓉塘詩話蓉塘南號也陸深爲之序卷中間及他事不止論詩吳焯曰文筆修潔不減南村謂可比輟耕錄云

過庭詩話二卷 刊本

右明劉世偉撰世偉之論亦專尙才調者

瓊臺詩話二卷 刊本

右明蔣冕撰專摘邱濬詩句詮其格意冕蓋濬門人也

水川詩式十卷 刊本

右明正定梁格輯論列各體詩格頗詳而有據

藕居士詩話二卷 刊本

右明嘉興陳懋仁撰亦考論詩格者

頤山詩話一卷 刊本

右書襍論詩品高下序云願山老農不著姓氏按明史作安磐著有二卷

竹庄詩話二十二卷 寫本

右書輯兩漢迄宋人詩載其本篇而錄前人詩評詩話各繫於篇首當是明人所纂不著名

詩辨坻四卷 刊本

右 國朝錢塘毛先舒撰說詩自三百篇以下漢魏及唐皆言其大畧後有襍論并專辨竟陵之說數十則而以詞曲終焉

歷代詩話八十卷 寫本

右 國朝歸安吳景旭撰書凡十集甲集論三百篇乙集論楚辭丙集論賦丁集論古樂府戊集論漢魏六朝己集論杜詩附杜陵譜系庚集論唐詩辛集論宋詩壬集論金元詩癸集論明詩皆博采羣言而以己意疏證之頗非苟作者

說詩樂趣二十卷 刊本

右 國朝舉人於潛伍涵芬輯采諸成說凡分四十一門末附偶吟草一冊

柳亭詩話三十卷 刊本

右 國朝山陰宋長白撰考論詩中故寔爲多

西江詩話十二卷 本

右 國朝新建裘君宏撰備述江西派別自晉迄明以補通志之未備末附餘談一卷

全閩詩話十二卷 刊本

右 國朝兖州知府晉安鄭方坤撰七閩人物詩文及遺聞逸事錄之頗廣

渚山堂詞話三卷 刊本

右明陳霆輯取自唐末五代迄明初人詞話彙錄焉

嘯餘譜十卷 刊本

右明歙縣程明善撰推闡音學源流兼及詞令

詞苑叢談十二卷 刊本

右 國朝檢討吳江徐鉉撰曰體製曰音韻曰品藻曰紀事曰辨証曰諧謔曰外編分類精切不蹈襲舊說其辨証一門辨古詞寄託之語有說分彼此者相異同者外編皆載仙鬼神怪以及奇緣異耦載在野史傳奇足資談柄者丁煒序云當今樂府選本盛推朱竹垞詞綜為最試持此書以與竹垞楊摧當必撫弦賞音共相擊節也

詞學全書四冊 刊本

右書凡四種填詞名解四卷毛先舒撰古今詞論一卷王文華撰填詞圖譜六卷續集一卷賴以邪撰詞韻二卷仲恆道撰皆國朝錢塘人故合編之

詞律二十卷 刊本

右國朝宜興萬樹撰審體辨音持論最嚴多正舊譜之失

古今詞話六卷 刊本

右國朝吳江沈雄休寧江尚質全輯分詞品詞評詞辨凡三門

碧雞漫志一冊 小山堂寫本

右宋遂寧王灼撰敏求記云晦叔寄成都碧雞坊之妙勝院追祀詞曲所由起作爲此書

太和正音譜一冊

右譜元人歌曲凡三百三十有五章中有闕頁未詳撰人姓名但有嘉靖間沂東漁父序謂成於明初丹邱先生云

說家類三 金石書畫

考古圖十卷 刊本

右宋汲郡呂大臨撰摹古鼎鐘鬲釜以至環珮之

屬物各有圖圖各有說并識古器所藏於目錄後
自秘閣太常內藏外凡列三十七家今本爲元大
德間陳翼子重所修定。按大臨又有續考古圖
五卷釋文一卷世所罕傳惟見錢曾敏求記

博古圖三十卷

刊本

右書題曰寶古堂重修宣和博古圖錄但觀萬歷
癸卯洪世俊序稱其友吳公宏重刻於寶古堂則
僅翻刻原書非有所增損於其間也

歷代鐘鼎彝器款識法帖二十卷

寫本

右宋薛尚功輯彙夏商秦漢彝器法物繪圖摹篆

亦考古博古之類也王士正云此書明奉國將軍

厭原山人隱之嘗爲雕板

嘯堂集古錄二卷

寫本

右宋王球輯李邴跋云先正歐陽文忠始集名碑
遺篆錄之元祐以後地不愛寶頽堤廢墓埋鼎臧
敦所觸呈露由是考古博古之書生焉王子侷嘯
堂集古最後出奇文名蹟自商及秦凡數百章尤
爲精夥余得其鈔板試摘所藏邵康節秦權篆銘
較之毫髮不舛蓋信子侷哀類之不妄云

紹興內府古器評二卷

寫本

右宋張掄才輯專錄宋內府所藏古器銘語時加辨證焉

金石錄三十卷 寫本

右宋宗室趙明誠輯有紹興甲寅其室李易安跋云自三代下迄五季鐘鼎甌鬲盤匱尊敦之款識豐碑大碣顯人晦士之事跡凡見於金石刻者二手卷皆足正訛謬去取褒貶上足以合聖人之道下足以訂史氏之失者皆載之

輿地碑記目四卷 寫本

右宋王象之輯列古碑刻之目畧考顛末而分系

於某軍某州郡之下故以輿地名焉間有一二節錄原文皆舉其要或間冷者

寶刻叢編二十卷 寫本

右宋臨安書肆人陳思撰以九域郡縣爲綱各繫其文於下並採入諸家考證頗中條理金石文跋藉以會粹當南渡後君臣無意復讎編地志者若祝穆王象之潘自牧之徒河淮以北陷蕃州郡志不復載思獨博采九域圖經所遺一一識之其識高於朝士一等矣

石刻鋪叙二卷 曝書亭寫本

右宋廬陵曾宏父撰宏父字幼卿又號鳳墅逸客
俱見本書其爵無考朱彝尊稱是編叙孟蜀石經
及思陵御書石經本末特詳又南渡以後秘閣帖
亦詮訂有序○按朱跋云宏父本名惇紹興十三
年以右朝散郎知台州府事其以字稱者避光宗
諱也近時錢大昕復辨之謂宋有兩曾宏父朱所
引乃空青之子與幼卿本非一人蓋錢嘗得幼卿
所刻鳳墅法帖殘帙考其顛末知幼卿之父名三
復字無玷起家進士官至刑部侍郎宋史有傳因
晤此書之非惇作耳今從錢說

古刻叢抄一冊

曝書亭寫本

右元黃巖陶宗儀輯錄唐碑文約十餘通間及漢
刻皆不甚著者

名蹟錄七卷

寫本

右元崑山朱珪輯朱彝尊跋云珪精於篆刻一時
碑版多出其摹勒因取平生所刻文字一一志之
曰名蹟錄凡六卷附以贈言一卷

古器銘釋十卷

刊本

右明楊州卞蓁撰以古器銘多難讀因考而釋之
卷首有說十四則

古器具名二卷 刊本

右明錢塘胡文煥撰自序云取博古考古及欣賞等編凡器之具名者各取其一得一百有八其有外此以爲名者非出於古非見諸書雖多奚敢溷哉又云具其義如具臣之具謂古器之名畧具於此也諸器各有圖說後附總說一卷

金薤琳瑯二十卷 刊本

右明都穆輯詳載秦漢迄隋唐各碑誌凡譌缺處多考訂之王士正曰穆有南濠文畧六卷其後二卷卽金薤琳瑯諸碑跋也

金石文七卷 寫本

右明知縣華亭徐獻忠輯

金石古文十四卷 刊本

右明楊慎輯二書皆秦漢以前金石古刻之釋文也而徐較精核

石鼓文一卷音釋一卷今文一卷 刊本

右前人撰慎自云得蘇軾舊本因爲摹刻

水經注碑目一冊 寫本

右前人輯取酈注所載古碑撮舉其目而詳考之

金石林時地考一冊 寫本

右明長洲趙均撰所載金石碑刻亦以省郡時代為次頗便省覽

金石備考二冊 寫本

右明關中來濟輯

古今石刻碑目二卷 刊本

右明漢陽知府華亭孫克宏輯以上二書皆錄碑

碣文字

石墨鐫華八卷 曝書亭藏刊本

右明舉人蓋屋趙嘏輯漢唐後金石文字凡二百五十二種為六卷後附記詩二卷

墨林快事十二卷 寫本

右明安世鳳輯錄金石款識起三代迄於明世

唐碑帖考四卷 寫本

右明會稽周錫珪撰專考唐碑不及各代

吳中金石新編八卷 刊本

右明通判陳緯輯緯時通判蘇州因取吳中各碑

記標題分類成此書凡六門

新增格古要論十三卷 刊本

右明王佐取曹昭本增輯之論次金石書畫兼及

栗硯文房器具

金石續錄四卷 刊本

右 國朝襄城劉青藜撰弟青震序曰續云者明歐趙柳楊諸公先有成書茲特踵述也計跋言一百幾十首數不及諸公之夥然亦有不及收者其考覈辨駁並有可以正史家紕繆者未必無考古之一助

金石史二卷 寫本

右 國朝關中郭宗昌撰亦多錄周秦漢唐碑銘附以辨証

觀妙齋金石文考畧十六卷 刊本

右 國朝嘉興李光映輯取家藏碑刻皆引諸家論辨而條列之原委真贋可考而知

嵩陽石刻集記二卷 刊本

右 國朝工部主事葉封撰封本嘉興人流寓黃州是書乃為登封宰時彙錄邑中碑刻加以評隲王士正謂其可傳

中州金石考八卷 刊本

右 國朝黃叔瓚輯耑錄中州諸刻以各州郡編次間採前人論辨綴以案語

墨藪二卷 刊本

右唐韋續撰述歷代書法原委及各家評論後附
法帖音釋刊誤

章申公九事一冊 寫本

右宋米芾錄章惇評論書翰凡九則末題元祐六
年十一月五日京口西齋東窻大滌翁書

衍極二卷 刊本

右宋鄭杓撰元劉有定釋書凡七篇錢曾曰蒐討
古今書法源流成一家言龍溪令趙敬叔曾為鈔
梓以傳

書小史十卷 寫本

右宋陳思撰取自伏羲畫卦下迄五代各書家述
其本末倣紀傳體為之故以史名

書苑菁華二十卷 寫本

右前人撰此則皆載漢魏以後諸家之論

墨池編二十卷 刊本

右宋秘書正字吳郡朱長文撰分八門曰字學曰
筆法曰襍議曰品藻曰贊述曰寶藏曰碑刻曰器
用哀采諸家頗為詳核治平三年自序

蘭亭考十二卷 刊本

右宋桑世昌輯高似孫復為刪定之者似孫序云

稷之爲帖風流太甚自晉以來難乎下語桑君盡
交名公鉅卿及海內之士以充其見聞與予游從
三十年見必及此其有贊於帖考不一今浙東臺
使齊公屬加彙正遂畧用史法剪裁之○按齊名
碩有跋桑字澤卿號天台老樵陸放翁甥也

蘭亭續考二卷 寫本

右宋錢塘俞松輯續桑考而作也朱彝尊有跋見
本集

皇宋書錄三卷 寫本

右宋董史輯以列祖書爲上卷北宋各家爲中卷

南宋各家爲下卷釋子附焉又別錄閨閣數人爲
外篇綴於末自序謂後二篇第取能書不復銓次
人品云○按史字更良自號間中老叟有淳祐壬
寅自序及咸淳乙丑跋

負暄野錄二卷 寫本

右宋陳慥撰襍論書法並論文房諸藝有至正七
年王東跋云莫知何人所述末又有一跋則作陳
慥著且言慥與范石湖張于湖姜白石同時云

書史會要十卷補遺一卷 刊本

右元陶宗儀撰其體與書小史相類按居易錄謂

此書明厭原山人隱之王孫曾刊之其末卷爲隱之所續明代善書人名欵識雕板甚精有張天雨趙松雪楊仁巖周公謹柯丹邱周伯溫豐南禺鑿定題跋極可寶玩云

學古編一冊 汲古閣寫本

右元錢塘吾邱衍撰首列三十五舉統論字學篆法印章後爲小篆品五則鐘鼎品二則古小品一則碑刻品九則用器品九則辨謬品七則字源辨七則以正德四年晴原書堂曾刻之今本爲毛氏所錄極精楷有危素夏溥序二自序一

書法鈎元四卷 刊本

右元蘇霖輯裒集歷代諸家評論六書之語自楊子雲迄劉須溪止

字學新書摘抄一冊 刊本

右元武夷劉惟忠輯亦摘采前人書評凡二十四則

書法考八卷 汲古閣寫本

右元龜茲盛熙明輯有虞集揭傒斯歐陽元三序朱彝尊跋云熙明龜茲人家豫章嘗以近臣薦備宿衛爲夏官屬斯編創於至順二年進於元統二

年其文約其旨該不意九州之外乃有此人

鐵網珊瑚二十卷 曝書亭寫本

右明都穆撰皆載評賞書籍碑帖字畫及諸古玩器之語前九卷穆自著後十一卷乃張掄才湯屋牛戩湯允謨周崧諸家所述而穆彙次之者

墨池璣錄四卷 刊本

右明楊慎撰襍論書帖所錄成說與己說相半

古法書苑三冊古畫苑三冊 刊本

右二書皆明王世貞輯分述書法畫品源流多有可採

筆元要旨一卷 刊本

右明諸生山陰徐渭撰亦論書法者

元牘紀一冊 刊本

右明秣陵盛時泰輯皆題跋碑帖語時泰於嘉靖間取羅原溥姚元白兩家所藏而鑒別之者其論頗資考證

書纂五卷 寫本

右書考六書源流兼及文房諸具乃明代人所撰自題云正德辛未祖父翠渠病叟書蓋以授其孫南鳳也姓字無考

書法雅言一冊 刊本

右明中書秀水項穆撰有沈思孝序論次書法凡十七篇穆為墨林山人項元汴子元汴天籟閣藏書畫甲天下世盛傳之

筆道通會一卷 刊本

右明太學生秀水項道民撰亦多運筆法道民穆從弟也

書法離鈞十卷 刊本

右明錢塘潘之淙輯詳論書法末及音韻

書法會編三卷 刊本

右明舉人慈溪張夢錫撰亦析論點畫波磔諸法分門類次

皇明書畫史四卷 寫本

右明嘉定劉璋撰述明代帝王及藝苑文士書畫分家論次并取元人史譜之佚於紀載者錄附焉游鶴堂墨藪二卷 曝書亭藏刊本

右明楚中周之士撰考書法原委兼采各家評跋未錄明代能書人姓氏凡一百九家而以己及朱之藩殿

真蹟日錄三卷 刊本

右明吳郡張丑撰所錄歷代真蹟兼採書畫者後
附清秘藏二卷

珊瑚網古今法書題跋二十四卷

寫本

右明秀水汪珂玉輯皆評論碑帖及名家墨蹟語
凡前人款識及收蓄私印俱錄焉而於墨蹟則悉
載其原文自序云所書真蹟詩文後石刻繼之復
搜載記收藏家爲書憑附以往哲名言爲書旨書
品云

書畫跋跋六卷

刊本

右明尚書餘姚孫鑛撰書畫跋跋云者跋王世貞

之書畫跋以訂之也

書訣一冊

寫本

右不著撰人亦論書法并記歷代善書人姓氏

書學彙編十卷

寫本

右國朝萬斯同撰以時代編次古今書家人繫
以傳詳其本末亦陳思小史之流也其書家爲正
史所載與所佚者悉分別著之卽以見其非苟作
耳

書畫題跋記十二卷續十二卷

知不足齋寫本

右國朝嘉興郁逢慶輯采唐宋元明書畫題跋

及詩詞畫彙錄之郁氏於明代收藏稱富故見聞亦頗廣云

天發神讖碑釋文一卷 寫本

右 國朝祥符周在浚撰碑爲皇象書吳天璽年
建在今江寧上元縣其文與且久斷缺難讀在浚
因考而釋之

禊帖綜聞一冊 倦圃藏刊本

右 國朝蜀中胡世安輯似末見桑俞二家書而
作者然錄及元明諸公考跋亦足以廣後來之聞
識焉

瘞鶴銘考一冊 小山堂寫本

右 國朝吳郡汪士鋐撰焦山瘞鶴銘舊石久圯
於江康熙壬辰陳振奇徙置山麓相傳爲右軍書
又云顧蓮翁昔人辨論多矣士鋐因備採諸說并
圖其石於卷端而爲此考云

分隸偶存二卷 刊本

右 國朝編修鄞縣萬經輯錄隸書碑版自漢魏
迄元明并作隸人姓氏與其題識彙而存此

唐朝名畫錄一冊 刊本

右宋吳郡朱景元輯錄唐代畫家第其品格

五代名畫補遺一卷 刊本

右宋彭城劉道醇輯分人物山川走獸花竹屋木
塑作雕木凡七門計二十四人有嘉祐四年陳洵
直序

宋朝名畫評三卷 寫本

右前人撰亦分人物山水林木獸畜花卉鬼神屋
木七門凡九十二人而以神品妙品能品三者別
識之

林泉高致一冊 寫本

右宋溫縣郭思輯載王維荆浩李成三家論山水

法并思父熙林泉高致山水論等篇總題曰林泉

高致後附董羽畫龍緝議

郭氏山川訓纂一冊 寫本

右前人輯此專述其父熙論畫之語後附圖畫見

聞誌補一卷

畫史會要五卷 刊本

右明宗室朱謀壘撰述畫事溯上古迄於明代各
家按世次詮叙焉

畫繼補遺二卷 寫本

右書有明人小序云嘉興吳景長所記按通考畫

繼鄧椿撰則此當以補鄧書也紀宋代畫家凡九十有九元代諸家附焉

中麓畫品一卷

刊本

右明章邱李開先撰襍論畫品及各家師法

畫志一卷

寫本

右明沈與文撰志王維至商琦凡十有八家後附

葉夢得評畫行詩註一篇與文自號姑餘山人

繪事微言四卷

刊本

右明泰州唐志契撰首卷自論畫法餘則刪纂前人畫史二十六種彙次成編

無聲詩史七卷

刊本

右明曲阿姜紹撰多論明人畫品

寶繪錄二十卷

刊本

右明華亭張泰階輯自唐至明名畫皆著於錄

珊瑚網古今名畫題跋二十四卷附錄一卷

寫本

右明汪珂玉輯彙錄宋元明諸家評品名畫跋語搜採頗富間有自作畫跋亦附焉自序云幾幾乎山檣杙水春秋草本狀爾雅注矣附錄一卷係畫法

歷代畫家姓氏韻編六卷

寫本

右書以韻編姓各注里籍出處大畧并表其所長其釋道闡秀等別附後題曰小長蘆顧仲清編次孫秀虎補輯按書中所採姓氏迄於國朝當為秀虎所補則仲清或是明人分宜清玩籍一冊寫本

右書係明相嚴嵩籍沒時所錄官簿皆琴硯書畫名色殆後人類次題以今名者

讀畫錄四卷刊本

右國朝周亮工撰錄李日華迄章谷諸家人各為傳韻語逸事悉採入焉後附王時敏至王著等

姓氏則皆未及列傳者

繪事備考八卷刊本

右國朝三韓王毓賢撰採輯古今繪事多所考正

烟雲過眼錄二冊寫本

右國朝周在浚輯因其父亮工所獲明代及國初名人畫冊題跋彙為此錄題曰烟雲過眼則襲周公謹之舊也

畫法年紀一冊刊本

右國朝郭礎撰前半備列畫家姓氏悉以時代

編之而各注所長於下後半則皆畫評也

南宋院畫錄八卷 寫本

右 國朝厲鶚撰首卷總述二卷以下錄李唐迄李永凡九十有四人皆掇拾羣書為之

國朝畫徵錄三卷續錄二卷 刊本

右 國朝秀水張庚撰敘述畫家源流師法各加評論

說家類四 小說

小字錄七卷 黃氏書目作陳古賢小字錄 刊本

右書首卷為宋陳思輯後六卷為明沈宏正續輯

同姓名錄十二卷 刊本

右明鄞縣余寅撰

同姓名錄八卷 寫本

右 國朝錢塘王廷燦輯以上二書皆摘錄古今

姓名相同者

別號錄八卷 刊本

右 國朝崑山葛萬里輯考南宋以下及明人別號以韻次之自序云文章節義功名道德之人大半入焉陳之几案可當指掌之圖携之行笈足施負版之敬

實賓錄一冊 寫本

右不著撰人卷中自署蘇臺雲翁亦錄古人別名各爲注焉

姬侍類偶二卷 寫本

右宋周守忠輯專錄古今女子事跡相類名字相偶者如碧玉綠珠好好亭亭之類韻以四言皆於句首見其名氏凡八十有八聯共得百八十有二

人各隸本事爲之注有嘉定間自序及鄭域序補妬記八卷 寫本

右書前六卷爲妬記七卷爲雜妬八卷爲總序按

晁公武讀書志作一卷云古有妬記久亡不知何人所補其事自商周至於唐代今書題曰京兆王績編并及五代時事

宮闈小名錄五卷 刊本

右 國朝長洲尤侗輯因洪遵王鈺張邦幾諸家所著侍兒小名錄遂爲補輯起漢迄明上自后妃下逮仙鬼並列於編

回文類聚五卷 刊本

右書初本爲宋桑世昌所纂明時張之象朱存理更爲續采者

銀鹿春秋一冊 寫本

右明吳郡陸嘉穎撰按銀鹿唐顏峴家僮名後事魯公終身至禍害不避奉公喪以歸是書所載皆奴僕忠於事主者故以銀鹿為名又附女奴於後字觸六卷 刊本

右 國朝周亮工輯隨拈一字旁達其義蓋即射覆遺意也

茶董二卷 刊本

右明江陰夏樹芳撰論次茶話自謂品別淄澠判若南董故名

茶史二卷 刊本

右 國朝淮右八十老人劉源長撰采陸羽裴汝以下諸家之說分產茶品茶製茶各類條記故寔詩歌視茶董為詳

茶經一卷 刊本

右明徐渭撰

酒史六卷 刊本

右前人撰以上二書皆考述茶酒典故及名人韻事

酒概四卷 刊本

右明無錫沈沈輯爲書二十二門如酒源酒名之類

蟬史十一卷 刊本

右明嘉興穆希文輯蓋以蟬之蠹於書而文爲諸虫作一史也

蟹畧四卷 小山堂寫本

右宋高似孫撰序云余讀傳蟹譜惜其徵錄太畧爲加集以廣見聞

晴川蟹錄四卷後蟹錄四卷 刊本

右國朝孫之騷撰前後錄皆四門凡蟹之故寔

與夫食蟹之方詠蟹之作靡所不綜焉

蟲天志十卷 刊本

右明吳淞沈宏正撰分諸蟲爲六門一曰鬪鬪雞之類二曰舞舞鶴之類三曰能言鸚鵡之類四曰傳書雁之類五曰字鶴字之類六曰奏技紡線叩頭之類皆紀故定佳語

異魚圖贊四卷補三卷 刊本

右明楊慎撰搜輯水族出產品味形質俱著錄焉

烏衣香牒四卷 刊本

春駒小譜二卷 刊本

右小國朝侍郎海寧陳邦彥撰二書一為燕譜一為蝶譜悉採古今故寔詩詞彙錄之

開顏錄二卷 刊本

右宋校書郎周文記輯纂述史傳故寔凡可解頤者錄為一書總三十有五事

投轄錄一冊 寫本

右宋王明清撰錄宋時見聞瑣事

北隱瑣語一冊 寫本

右明鄞縣余永麟輯襍誌明代朝野軼事兼附瑣語俚詞

冶城客論二卷 寫本

右明長洲陸采撰亦劄記見聞瑣事多涉幽異

效顰集二卷 刊本

右明趙弼撰為傳記二十五篇襍及善惡果報之事宣德壬子王靜序

續元怪錄四卷 寫本

右宋李復言輯皆唐代幽怪之事

燃犀集四卷 刊本

右不著撰人姓名亦輯怪異之事凡七十二則

繪園十六卷 刊本

右明吳縣錢希言輯其書畧仿齊諧記虞初志之體

才鬼記十六卷 刊本

右明梅禹金輯凡古今鬼物之能以才見者哀集其逸事詩詞成編

菘玩類

琴史六卷 寫本

右宋秘書省正字朱長文撰字伯原人稱樂圃先生前五卷紀古帝王歷代人物之精於琴學者後一卷辨論琴理凡十一篇錢曾曰此書序於元豐

七年上自帝堯下至宋趙抃凡有涉於絃徽間者逐卷哀次而牧翁錄其中董庭蘭一則以辨房琯之受誣最爲有識他如宋太祖謂五絃琴文武加之以成七乃畱睿思而究遺音作爲九絃之琴五絃之阮荀非伯原此書不復知琴有九絃者矣

琴譜正傳六卷 刊本

右明黃獻撰自跋云宏治丙辰進入內府時年方十一蒙孝廟皇上命學琴書於司禮監竹樓戴公頃刻無忘獲成其業今年六十餘恐泯其傳乃托同志助資刻之

太古遺音四冊 刊本

右明金陵楊掄輯詳考五音及歷代琴曲指法前列圖式

琴瑟譜三卷 刊本

右明瓊州生員汪浩然撰首卷總考琴瑟制度原委後二卷分考曲調審其指法

青蓮舫琴雅三卷 刊本

右明松江林有麟撰前一卷列琴式後二卷採古今論琴之語及題詠諸作

德音堂琴譜十卷 刊本

右 國朝新安汪天策撰

琴學心聲二卷 刊本

右 國朝張臻鳳撰諧聲譜詞製為十六則於古曲外別為十六曲前列律呂圖說及指法之要並採各體詩歌以附之

琴談二卷 刊本

右 國朝新安程允基撰乃備載琴操及製琴之法

琴學二冊 刊本

右 國朝貢生嘉善曹庭棟撰內篇二十二証正

律之外有變律半律與律呂新書之說相發明外
篇則薈萃古今琴說考訂焉

五知齋琴譜八卷

刊本

右國朝江都徐俊撰採古今琴操詳論五調三
聲本其父琪舊譜而成

羯鼓錄一卷

寫本

右唐婺州刺史南卓撰詳著羯鼓形製聲調并唐
開寶時事及後之善於其技者馬氏端臨曰見崇
文總日羯鼓夷樂與都曇荅鼓皆列於九部至唐
開元中始盛行於世卓所記多聞元天寶時曲云

銅劍讚一篇

寫本

右梁江淹撰歷引紀傳詳以銅爲兵之制

宣德鼎彝譜八卷

寫本

右明大學士楊榮撰叙述宣德年間鑄造郊壇太
廟內廷供用鼎彝等器共一百一十七款

遠西奇器圖說錄三卷

刊本

右明西海鄧玉函所口授關中王徵譯其說而摹
繪之皆西洋人造器之法式徵序言圖說全帙巧
器極多其或不甚關日用如飛鳶水琴等類又或
非國家工作之所急需則不錄特錄其最切要者

文房四譜五卷

寫本

右宋翰林學士蘇易簡撰滴器附於硯譜筆格附於筆譜水筆譜居二卷餘各一卷每譜分門一叙事二造三雜說四辭賦惟筆譜多一門曰筆勢有徐鉉序

古今文房登庸錄一冊

寫本

右明建業黃謙撰因舊有文房十八士圖讚又續纂十事以應二十八宿之數有宏治壬戌自題詞其曰先進十八人筆曰毛中書墨曰燕正言硯曰石端明筆架曰山架閣水滴曰水中丞帑曰楮待

制研子曰貝光祿閣手曰竺秘閣鎮帑曰邊都護刀曰刀吏書印曰印書記界方曰黎司直蠟斗曰黃秘書糊曰胡都統界尺曰方正字筆池曰曹直院剪刀曰齊司封盤曰盤都丞續進者十人錐子曰丁刺史印色曰朱鴻盧拂子曰須闡制書燈曰尤待詔燈屏曰穆平章書桌曰戚都憲粉板曰白修文牙籤曰相監察書掛曰祝統制點筆杖曰谷校書徵拜諸賢尚方天祿等文及續名諸作因爲擬補

十處士傳一卷

刊本

右明樵李支立撰倣韓愈毛穎傳之體取衾枕鑪
帳等物各爲之傳共十篇

宋紹聖李伯揚墨譜三卷 寫本

右宋趙郡李孝美撰圖一卷式一卷法一卷有宋
馬涓李元膺二序按馬氏經籍考有孝美墨苑三
卷當卽此書

墨史三卷 寫本

右元吳人陸友撰銓次魏晉以後製墨各家源流
派別

方氏墨譜六卷 刊本

右明歙縣方于魯輯首列雜文下分國寶國華博
古博物法寶鴻寶六類

程氏墨苑三十二冊 刊本

右明歙縣程君房輯倣方于魯墨譜分六類編次
曰元工曰輿地曰人官曰物華曰儒藏曰緇黃

吳氏墨記一冊 刊本

右明歙縣吳頤元輯紀明歙人吳山泉製墨之法
及名人投贈詩文

硯箋四卷 寫本

右宋高似孫撰考硯所產及凡詩賦銘贊雜文之

為硯作者

欣賞硯譜一卷 刊本

右明茅康伯撰溫博序與箋互有詳畧繪硯圖十七箋所未及

印人傳三卷 刊本

右國朝侍郎祥符周亮工撰亮工有印癖因最精於此藝人各為傳而所述多有不涉印事者則又借以摭其所感示不徒為小技作也

印典八卷 刊本

右國朝吳縣朱象賢輯博採印璽源流以及前

人評論并歌咏記序分類編次

香譜四卷 天一閣寫本

右元河南陳敬編博采諸香出處製法并附詩文至治壬戌熊朋來序云河南陳氏香譜自子中至浩卿再世乃脫稿凡洪顏沈葉諸譜具在此編按洪駒父有香譜顏持約有香史沈立之有香譜葉庭珪有香錄

香乘二十八卷 刊本

右明淮海周嘉胄撰亦博採香事悉其名類

雲林石譜三卷 刊本

右宋山陰杜綰撰乃考訂名石辨其出產形質為
品目之

素園石譜四卷 刊本

右明雲間林有鄰撰檢取羣籍中如壺中九華寶
晉齋研山之類各為寫形題咏

適情錄二十卷 刊本

右明永嘉林應龍撰卽圍碁譜分正兵奇兵等二
十部後有碁經圖說

洞天清錄一卷 寫本

右宋宗室趙希鵠撰古琴辨三十二條古硯辨十

二條古鐘鼎彝器辨二十條怪石辨十一條硯屏
辨五條筆格辨三條水滴辨二條古翰墨真跡辨
四條古今石刻辨五條古今紙花印色辨十五條
古畫辨二十九條按此書明寧藩曾刻之

羣芳清玩一冊 刊本

右明吳縣李嶼撰彙輯金石書畫蘭菊譜箋共十
二種

雪菴清史五卷 刊本

右明沙縣樂純撰皆游玩賞鑒諸事

張氏藏書二冊 刊本

右明生員崑山張應文撰乃考古銅玉及琴譜茶經

長物志十二卷 刊本

右明長洲文震亨撰震亨字啓美官武英殿中書舍人謂室廬宜如何營造器什琴劍書畫筆研等何者爲佳宜何如安排花木宜如何蒔植蕪香煮茗宜依何法葢猶愈于無所用心者矣

李氏居室記五卷 刊本

右明河南李濂撰係自著堂閣諸記并文房雜器諸箴銘

類事類

編珠四卷

續編珠二卷

歲華紀麗四卷

謝華啓秀二卷 俱刊本

右編珠隋著作郎杜公瞻於大業七年奉勅撰所引多緯書自序謂朱書者故寔墨書者正義原四卷內佚二卷 國朝高士奇得於內庫書籍廢帙中以隋世類書僅見此因爲補之又自續二卷並取唐韓鄂所撰歲華紀麗明楊慎所撰謝華啓秀

二書彙刻之

晏公類要一百卷

天一閣寫本

右宋宰相臨川晏殊撰分門各載故事而討論之此書流傳久缺他本止三十七卷今本全載序口中缺四十四卷與錢塘吳氏所藏鈔本多十九卷至此本所缺而吳本有者又十六卷

晏元獻公類要三十七卷

瓶花齋寫本

右前人撰即錢塘吳氏本也前載曾南豐序稱公所類要上中下三帙總七十四篇此本止三十七卷其目錄自成首尾無斷缺之迹疑即前書而後

人重編者每條下間有注云四世孫表補闕字樣今與前書仍兩存之

紺珠集十三卷

寫本

右書紹興丁巳左承直郎灌陽令王宗哲序云不知起自何代建陽詹公以寺丞出鎮臨汀示茲集校勘而明天順七年錢塘賀榮識云馬氏經籍考據晁志作朱勝非撰勝非當紹興建炎間居相位紹興四年始乞終喪制王宗哲序在紹興七年俱同一時勝非在當時位顯名著非隱約山林者何以不能詳究其寔又公武在紹興間家藏書極多

得南陽公書五十篋其守滎州時日夕校讎著讀書志二十卷今所傳止五卷二十字疑誤此皆必有所據因附識於此

羣書考索前集六十六卷後集六十五卷續集五十五卷刊本

右宋國子博士金華章如愚輯此書詳文物典章之原委前集分十五門後集分九門續集分十七門

楊氏六帖補四十二卷寫本

右宋代郡揚伯勗輯以補白居易孔傳世之六帖

也

紀纂淵海一百九十五卷天一閣寫本

右宋福州教授金華潘自牧輯分二十二部一千二百四十六門每門以四部爲次嘉定己巳自序云自少嗜書引用前輩類書紀事體叅以纂言自成一編東陽賈君昉成甫求室吾妹問語及之於是慨然從史十涉春秋繙卷數萬而書稍就又得金華汪君淳叔川贊決而增益之其書尾著泰定乙丑圖沙書院刊行

緯畧十二卷寫本

右宋高似孫輯似孫既作經畧史畧子畧集畧詩畧復取其事之逸者瑣者編之與諸畧相為經緯

緯畧類編三十五卷 天一閣寫本

右書亦專取瑣逸之事以類次之卷首止畧崇德芹溪沈五字未詳其撰人

事文類聚前集六十卷後集五十卷新集三十六卷

別集三十二卷續集二十八卷外集十五卷遺集

十五卷 刊本

右宋建安祝穆輯先以羣書要語次以古今事寔次以古今文集分綱列目采摭頗為詳焉

全芳備祖前集二十七卷後集三十一卷 寫本

右宋天台陳景沂撰寶祐丙辰自叙云於花果草木必全且備所集凡四百餘門非全芳乎凡事實賦咏樂府必稽其始非備祖乎又寶祐癸丑安陽

韓境序

古今歲時雜咏四十六卷 寫本

右宋眉山蒲積中輯因樓鑰歲時雜記而續之者海錄碎事二十二卷 刊本

右宋泉州守葉廷珪輯凡分門一百七十有五此書初名一四錄取羣籍中碎事繁文自一字至四

字以類爲次後改今名

翰苑新書前集七十卷後集二十六卷又六卷續集

四十二卷別集十二卷 寫本

右書明陳文燭云此編爲宋人所作向無梓本

錦繡萬花谷前集四十卷後集二十九卷續集四十

卷別集三十卷 刊本

右書前有宋淳熙間撰書人自序以上二書俱未

詳撰人姓名

裁纂類函一百六十卷 寫本

右元廬陵周宏道輯類纂史事自帝王起總錄部

止凡二十二門虞集序

羣書會元截江網三十五卷 元刊本

右書元國史院編修官東陽胡助序稱其摭拾古

今分類纂集謂之會元者以其有會歸之地也謂

之截江網者以見其無遺漏之虞也惜成書者不

著姓名其書爲至正四年所刊

萬卷菁華前集八十卷後集八十卷續集三十四卷

天一閣寫本

右書題曰太學新編聲律資用萬卷菁華又題曰

太學續編歷代事寔無序跋故未詳其撰人姓名

類雅二十卷

寫本

右書亦未詳撰人姓名其體分類纂言

羣書集事淵海四十七卷

刊本

右書纂集故事分門十爲自五百七十二宏治乙丑謝遷序稱此書門分彙列俱有條貫所采自春秋戰國迄於前元而不著名氏豈元末喪亂之際窮居避世而托志於文字以終其身者如虞卿之徒歟少監賈公偶得之書肆鉅梓以廣其傳云云按百川書志云宏治間人撰屬悞

羣書拾唾十二卷

刊本

右明臨江張九韶輯摘羣書之要類次之以便童習自天文至釋家凡十二門

可知編八卷

刊本

右明楊慎輯以天地人總列三部復於各部下分標門類使覽者易知

三才圖會一百六卷

刊本

右書天文地理人物三門係明叅議上海王圻纂自時令以下至文史十一門圻子思義所續其大指以凡類家俱詳於文而畧於圖故專以圖爲主今惟前三門圖甚詳爲諸類書所無其餘據凡例

云凡時令宮室身體衣服禮樂文史人事與夫器
用草木鳥獸昆蟲之類俱各有圖第卷帙浩繁未
易卒舉當俟續梓
稗史彙編一百七十五卷 刊本
右前人撰自天文至志異分二十八門其目三百
有二十序謂取仇遠之稗史陶九成之說郭刪汰
增益而成
名義考十二卷 刊本
右明戶部郎西楚周祈撰分天地人物四總部而
條繫之專以考證名義所自始其於象緯名物訓

詁方言之類靡不詳晰

天中記六十卷 刊本

右明沔陽陳文燭輯起天文終鳥獸分類頗詳天
中汝南山也取著作藏名山之意以名萬歷乙未
屠隆序

華夷花木鳥獸珍玩考十二卷 刊本

右明西吳慎懋官輯分花木考六卷鳥獸考一卷
珍玩考一卷續考三卷雜考一卷懋官蒙之子也
異物彙苑五卷 刊本

右明太倉王世貞輯於各書中專述物異以類次

之凡二十七門

異物彙苑十八卷 刊本

右明浮梁閔文振輯亦志物異并各著其所出其體例與前書相仿

彙苑詳註三十六卷 刊本

右明國學生晉江鄒道光輯錄典故而分門彙之各系以注

事詞類奇三十卷 刊本

右明武進徐常吉輯所采皆經史百家中奇語黔類十八卷 刊本

右明泰和郭子章輯此則皆史傳瑣事係官黔時所作

劉氏類山十卷 刊本

右明宜川知縣桐城張允昌輯其徵事屬辭皆撮舉其要自象緯方輿以下分七十二類

詞林海錯十六卷 刊本

右明江陰夏樹芳輯乃采纂說部中雋語

留青日札三十九卷 刊本

右明教諭錢塘田藝衡輯第蒐其僻事隱語亦以類次之自甲至癸為十集

事言要元三十卷 刊本

右明福建陳懋學輯分天集三卷地集八卷人集

十四卷事集二卷物集三卷萬歷間魏濟序

文苑彙雋二十四卷 刊本

右明鄞縣屠隆輯分二十四門於唐類函天中記

王氏彙苑事文類聚四編中擇其要者標題分注

則仿初學記之例

茹古畧集三十卷 刊本

右明程良孺輯述古事古語為賦共三百九十四

篇其所遣用於詩文為多

說類六十二卷 刊本

右明林茂槐輯皆取材唐宋人雜著無經史之文

時物典彙二卷 刊本

右明李日華輯自天文至鳥獸為類二十有四

卮林十卷 刊本

右明莆田周嬰輯乃采史籍中語各為標題末附

補遺一卷

事物紺珠四十一卷 刊本

右明揚州黃一正輯自天文至瑣事止凡四十七

部每部各分細類並加注釋

學古適用編九十一卷 刊本

右明侍郎吳郡呂純如輯所采歷代事寔足為後人法式者分九十一門

沈氏學教十六卷 刊本

右明刑部郎嘉興沈堯中輯所采皆軼事凡二十八門

合纂類語三十二卷 刊本

右明錢塘魯重民輯乃詳於纂言而畧於紀事者偏吹錄二十卷 刊本

右明文德翼輯所載故事名物俱為偶儷之語

古今記林二十九卷 刊本

右明婺源汪士漢輯自天文至蟲魚為類二十有七卷佚不多而所采書七百餘種並列於首自序謂博不傷繁約不傷陋

竹香齋類書三十七卷 刊本

右明錢塘張墉輯首倫類品行次及政事藝術輿地象緯等類自述云六經之書如日中天無敢去取而史籍浩瀚難以兼綜默識故於各史擷其菁英蓋不及雜說稗官者

博學彙書十二卷 刊本

右 國朝蕭山來集之輯蒐采經史乃并及前人
緒論以究名物源流

三才藻異三十三卷 刊本

右 國朝鄞屠粹忠輯標題各載事類而以韻語
編之

典引輯要十八卷 刊本

右 國朝懷寧丁昌遂輯專取經傳典故而各舉
其要以資舉業家之考證

李氏類纂四冊 寫本

右 國朝嘉興李繩遠輯分職官姓氏

四門

錦帶補注一冊 天一閣寫本

右宋杜開注取梁蕭統十二月錦帶書於每篇下
各爲之注

日涉編十二卷 刊本

右明應城陳堦撰乃分記十二月典故每日又各
載故寔詩詞

行年錄二十四冊 刊本

右 國朝侍郎廣東魏方泰輯此則自一歲至百
歲古今事蹟分年錄之

藝林彙百八卷 刊本

右明華亭李紹文輯錄古人成語之有數者從一至百聚而類編之如一則一邱一壑百則百穀百
年之類

駢志二十卷 刊本

右明常熟陳禹謨輯錄古事之相比者每條並舉
二語并注其出處

古事比五十二卷 刊本

右國朝桐城方中德輯亦錄事類相同可為比
例者分門纂之

文選雙字類要三卷 刊本

右宋學士蘇易簡輯摘錄文選字法比而屬之為
門四十為類五百

文選類林十八卷 刊本

右宋清江劉攽輯乃掇取文選中字句類而次之
文選錦字錄二十一卷 刊本

右明凌廸知輯以前二書繁簡不齊因為損益成
編凡分四十六門

修詞指南二十卷

右明國子監助教東海浦南金輯以部統類以類

統篇乃彙爾雅左腴漢雋諸書而釐補之

廣修辭指南二十卷 刊本

右明陳與郊輯以廣浦南金之原編也

考古辭宗二十卷 刊本

右明提學高安况叔洪輯亦增益浦南金之書而為之者

堯山堂偶雋七卷 刊本

右明蔣一葵輯多載六朝唐宋之聯句駢語考其出處

四六叢珠彙選十卷 刊本

右明當塗教諭晉江王明齋輯本宋葉氏原編復取其精語分聯摘之以為臨文遣用之資

增修詩學押韻淵海二十卷 刊本

右元建安嚴毅輯本梅縣蔡氏原本重為編之列平韻三十部於每字下分字類詩料兩門編入有至正庚辰張復序

思元齋均藻二卷 刊本

右明楊慎輯亦分韻編集各書典實

三體撫韻十二卷 寫本

右 國朝監生秀水朱昆田撰採古今騷詩詞三

體雋語依韻分編凡習見者俱不錄昆田彝尊子也

杜韓集韻八卷 刊本

右 國朝桐鄉汪文栢輯取唐杜甫韓愈二家之詩編入四聲使學者知造句押韻之法以為古韻通轉之証

璧水羣英待問會元選要八十二卷 刊本

右宋建安劉達可輯自萃新至數學共十六門為宋時場屋所用淳祐間陳子和序

射林八卷 刊本

右明吳郡朱光裕輯分輿象君臣政事等以類彙疆戎田賦七門多及明代時事

羣書纂粹八卷 刊本

右明吳郡徐時行輯分類錄諸書中粹語亦為場屋應用之本

叢書類

曾公類說六十卷 刊本

右宋尚書郎溫陵曾慥輯摘錄羣說自穆天子傳以下共二百五十二種標舉條目而錄原文於下每種間著其書之撰人來歷天啓丙寅劉序謂書

成於紹興六年

百川學海十冊 刊本

右宋鄧左圭輯說部一百種分為十集

續百川學海十六冊 刊本

右明昌江吳永輯所采凡一百二十種亦分十集以續左圭所未錄

廣百川學海十六冊 刊本

右明北海馮賓可輯所采凡一百三十種亦分十集以廣左吳所未錄

翰苑叢抄二十卷 刊本

右書未詳撰人所抄係宋代各家雜著有闕翰苑者為多

溪堂麗宿集一冊 天一閣寫本

右明曹文炳輯首昭明遺事不署名次程氏字訓宋程若庸著經傳要旨宋本心岷麓二先生著不署名文會燕語東正鋒著巴山夜語戚璞著林下常談孔巖化著山村雜言齊迺莊著漁艇野說武惠孫著林泉村話孟德厚著蓮幕燕談不署名凡十種

古今說海一百四十二卷 刊本

右明黃標尊輯分說選說淵說畧說纂四部所采
小說凡一百三十五種其書爲嘉靖甲辰刊

稗海續稗海共四百四十六卷 刊本

右明尚書會稽商濟輯自序謂取鈕氏世學樓藏
本選校付梓而近世郎廷極序云是書纂於會稽
鈕黃門石溪其甥商景哲雕之距今百五十年余
近得其板於襄平蔣氏從而釐其亥豕有卷帙不
全者復証之津逮本中補其一二凡爲種七十有
四

邱陵學山十二冊 刊本

右明王完輯隆慶戊辰自序云邱陵學山配百川
學海而纂之者也學海始聖業圖纂止於宋耳學
山自大學古本始以千字文爲編凡數十種進未
已也今本訂四十四種至師字號止

稗乘二冊 刊本

右明陳元允輯共采小說四十二種分爲四類曰
史畧曰訓詁曰說家曰二氏史畧如晉文春秋漢
武事畧之類訓詁如樂善錄訓子言之類說家如
因話錄攬轡錄之類二氏如以經釋宗辨禪之類
眉公秘笈正集二十卷續集五十卷普集四十六卷

彙集四十一卷廣集五十卷 刊本

右明華亭陳繼儒輯皆蒼萃說部之書而間以自著附之

古今逸史十六冊 刊本

右明新安吳琯輯自方言以下至集異記凡四十二種

明人百家小說八冊 刊本

右明沈廷松輯所采多明人說部自王世貞皇明盛事迄祝允明義虎傳凡一百有九種

鹽邑志林五十五卷 刊本

右明海鹽知縣黃岡樊維城輯所采凡四十種始吳陸績易解終明姚士粦見只編又以呂元善金門志附焉以著書者皆鹽邑之產也

烟霞小說五冊 刊本

右明侍郎鄞縣范欽輯所采小說自吳中故語及猥談凡十種

陸氏虞初志八卷 刊本

右書所采小說家自吳均續齊諧記以下凡三十二種無序跋目錄不署名

山居雜志四冊 刊本

右明新安汪士賢輯取稽含草木狀以下凡二十種彙刻之皆動植類

瓊探十卷 刊本

右明李蘅輯卷各一種宋有盧襄之西征記石茂良之避戎夜話元有徐顯之裨傳餘七種皆明人雜著

欣賞編八卷 刊本

右明茅瑞徵輯徐中行序謂吳郡沈澗卿先生欣賞編十卷此則茅子所續者一切游藝賞心及嬉戲之事凡六十五種

顧氏雜錄十冊 刊本

右書所彙皆名人逸士著述共四十種顧氏亦未署名

賴古堂藏書四冊 刊本

右國朝祥符周在都輯在都搜輯海內鉅公碩儒各成一家言者自周亮工觀宅吉祥相迄郭領華漁談止凡十種在都亮工子也

檀几叢書二集五十卷 刊本

右國朝錢塘王暉新安張潮同輯顏其額曰國朝名家小品五十種

奇晉齋叢書四卷 刊本

右 國朝貢生平湖陸烜輯所采自李濬松憲雜錄至楊慎雲南山川誌凡十六種

天文術算類

陶隱居重定甘巫石氏星經一冊 寫本

右梁陶宏景輯以甘氏巫氏石氏三家星官著於圖錄後附張衡星官大象賦

玉歷通政經三卷 寫本

右書不著撰人姓名乃論天文占驗唐太史李淳風序

靈臺秘苑十五卷 寫本

右宋司天監于大吉丁洵同輯專言星象

天文主管一冊 寫本

右書題云明昌二年金司天臺少監臣武亢重行校正以步天歌分繪其圖而解之詳註某星主某事現某象則主應某事故曰主管後附周天元象賦

革象新書二卷 刊本

右元鄱陽趙敬撰備載歷數星學諸考

測圓海鏡十卷 刊本

右元翰林學士欒城李治撰紀勾股算法附明顧
應祥分類釋術

清類天文分野之書二十四卷 刊本

右明洪武間欽天監編成經進之本以十二分野
星次分配天下郡縣又於郡縣之下詳載古今治
革之由

觀象玩占十二冊 寫本

右書題云唐太史令李淳風撰第一冊為太乙玉
鑑風雨賦有圖第二冊為步天歌以下十冊共五
十卷為觀象玩占凡天地日月五緯二十八宿及

衆星風雲雷雨等之占驗每引史事以證按第一
冊前有李淳風序云錄成五十篇名曰觀象玩占
但此書中所引有唐文宗肅宗之事必非淳風所
作明史藝文志有觀象玩占十卷旁註云不知撰
人或云劉基輯未知即此書否

星占三卷 刊本

右書繪列各圖以占驗吉凶晴雨等事題曰劉青
田先生家藏秘本在齊餘政星占裔孫孔昭補衍
後學史可法較訂

天文秘畧一卷 寫本

右書據明史稱劉基天文秘畧一卷太白山人周應治序云新安胡子所刻天文秘畧其說本諸劉青田氏而參以夾漈氏之通志丹元子之步天歌占候經度可按圖而索也按劉自序云名曰鬼料竅又名曰天文秘畧序內稱臣當是經進本

天學會通 一冊 刊本

右明大勳穆尼閣撰專明推算躔度諸法

天元玉歷祥異賦 十冊 明史藝文志作七卷 寫本

右書不著作者姓名其書考驗災祥各繪圖象下方附朱子及各史志論說有明洪熙御製序

二十五言一卷 刊本

職方外紀五卷 刊本

右前書本西人利瑪竇所述職方外紀明艾儒畧增釋楊廷筠彙記乃推演論天水火氣土並有圖說

渾蓋通憲圖說二卷 刊本

右明仁和李之藻輯自序云全圖爲渾割圖爲蓋渾儀語天而弗該厚載周駢兼地而見東地圓以渾詮蓋蓋乃始明以蓋佐渾渾乃始備崔靈恩以渾蓋爲一義而器測蓂說亦莫考故爲此書憲者

法也謂其法相通也

天心復要二冊 寫本

右明新安鮑泰撰專論推測度數分列圖說

回回歷法四冊 寫本

右書卷末有承德郎南京欽天監副具琳誌云此書上古未有也洪武十一年遠夷歸化獻土盤歷法預推六曜干犯名曰經緯度時度歷官元統去土盤譯為漢算而書始行於中國歲久湮沒予任監副於成化六年具奏修補蒙准至十三年而書始備

太陽太陰通軌二冊 寫本

右明五官保章戈永齡撰係明欽天監推算歷法象緯彙編二卷 寫本

右明蘄陽韓萬鍾撰首列總圖次采丹元子步天歌及圖分釋之并附馬氏通考所載諸志于各星之下以便省覽

弧矢算術一冊 刊本

右明吳興顧應祥撰因弧矢一法失其真傳取諸家算書參附己意補輯成編

象林一卷 刊本

右明嘉興陳蓋謨撰首載步天歌次考纏度變占
星歷釋意二卷 刊本

右明提學晉興林祖述撰引証羣籍叅考星歷歲
時

通書捷經二冊 刊本

右明鄞縣樓楷撰推筭諸星值日吉凶有嘉靖癸
亥自序

九圜史一卷 刊本

右明吳郡趙宦光輯首載九圜各圖後附六旬曼
係宦光游南雍時所錄

天官翼一冊 寫本

右明董說撰推算歲差之法爲太祖歷元辨焉逢
攝提格解歲差表歲差紀會歲差定論五篇後有
缺頁

天文精義賦四卷 刊本

右書岳熙載撰于天體渾天分野日月五星列宿
各爲一賦并爲集註焉

梅氏歷算全書二十九種 刊本

右 國朝宣城梅文鼎撰二十九種者五星紀要
一卷火星本法一卷七政細草補注一卷二銘補

注一卷歷學駢枝四卷揆日候星紀要一卷墜堵
測量二卷方圓彙積一卷幾何補編五卷解割圓
之割一卷平立定三差說一卷歷學問答一答籌
算七卷少廣拾遺一卷三角法舉要五卷弧三角
五卷勾股闡疑四卷環中黍尺六卷交會管見一
卷冬至考一卷諸方日軌一卷度算測例二卷方
程論六卷筆算五卷歲周地度合考一卷歷學疑
問二卷歷學疑問三卷古算術畧一卷交食蒙求
三卷
勾股述二卷 小山堂收藏刊本

右 國朝海寧陳訐撰剖晰勾股源流黃宗羲爲
之序

勾股引蒙二冊 刊本

右前人撰以古周髀積冪皆勾股法而勾股尤爲
測量諸法之原附載明唐荆川李涼菴二論

勾股矩測解原二卷 刊本

右 國朝監生黃百家撰考矩度直影橫影以明
推測之原并附各圖問亦引及陳訐之說

隱山鄙事四卷 刊本

右 國朝李子金輯就西人利瑪竇之幾何原本

浙江採集遺書錄

及艾儒畧所傳之幾何要法二書子金為之刪注
題曰幾何易簡集子金字子金隱山其號也

管窺輯要八十卷 刊本

右 國朝總兵六安黃鼎輯分類纂集天文家言
詳於古驗

九章錄要二冊 刊本

右 國朝松江屠文漪輯自乘除法至借徵法凡
十二法

中星譜一冊 刊本

右 國朝仁和吳璵撰審中星以定二分二至參

考各書並繪圖繫說

天下山河兩戒考十四卷 刊本

右 國朝當塗徐文靖輯詳考南北兩戒山河分
野之次前八卷專取唐書天文志為之註釋後六
卷參取晉趙宋三史重加補訂卷首繪列二十四
圖

天漢全占一冊 天一閣寫本

右書詳繪星象首載步天歌後繫諸星考証

天文諸占一冊 天一閣寫本

右書占驗吉凶列載星垣圖考前有缺頁

浙江採集遺書錄 庚集

青羅歷一冊 天一閣寫本

右書詳考五曜二十八宿之伏見退留以推其真
度

通古大象歷星經三卷 天一閣寫本

右書繪列宿諸圖各有注釋以上四書俱未詳撰
人姓名

五行類

大定易數五冊 天一閣寫本

右書署宋邵雍撰推測星命之術

易尚占一卷 刊本

右元李清菴撰大德丁未保八稱為瑩蟾子李清

菴云此卜筮之捷法也旨趨與市肆間卜筮之書

大同小異顧旨切而近詞簡而當

白猿經風雨占候說一冊 天一閣寫本

右明青田劉基撰取漢諸葛亮白猿經占逐加注

釋後附圖解

範圍數二冊 寫本

右明工部主事嵩洛趙迎撰與易冒等書同類有

嘉靖壬辰自序云會粹術數家言刪煩正訛別之

以類前圖式門次起例門又次源流格類等門凡

分門十五自謂可以依經考斷應驗如神

礪菴槩一卷 刊本

右明陳蓋謨撰有與黃道周論三易洞璣並道周

往復筆札附

五行類事占驗徵九卷 刊本

右明詹事府通事舍人河南李淑通撰推演洪範

五行五事之說博採歷朝災祥事跡以証之有正

統五年自序

五行類應九卷 刊本

右明御史武進錢春輯白蜀本於通考為多初成

於中州李氏淑通重修於張氏賁通名曰五行類
事占徵應錢氏重加增修而更其名

筮篋理數日抄二十卷 刊本

右明柯珮輯首列書訣奇遁及後天洪範八卦五
行之說

易冒十卷 刊本

右 國朝瞿日布衣新安程良玉撰專主占卜之
術分九十一章自序得於星元師及枯匏老人之
傳

神樞鬼藏二冊 天一閣寫本

右未詳作者姓名自序云上以宣天道之化中以彰神明之德下以括地利之真分十一章條陳百一十九事襍論陰陽易數

太乙金鏡八卷

天一閣寫本

右書作于唐開元間者推算太乙諸法以及九官分野間引經義并太公張良李淳風之言而折衷之題云內供奉待詔臣王希明修集蓋經進之本河洛真數二卷

寫本

右宋陳搏撰以河洛之數推闡六十四卦義例兼及五行納甲之說

太乙統宗寶鑑二十卷

海寧許氏學稼軒寫本

右書以太乙周行統運六十四卦旁綜星象兼注史事標類成編係大德七年曉山老人自序

太乙十精風雨賦五冊

天一閣寫本

右書推太乙九宮之數以占風雨

太乙專征賦一冊

寫本

右書專言遁甲之術

太乙成書八冊

右書按九宮八卦五行生尅前以歲合後以月配

東方朔占書三卷

寫本

古書占測風雨星月及太歲六十年週而復始災
祥之驗

占候書十冊 寫本

右書第一冊據步天歌分繪星象各圖以下詳列
諸占法每舉一占則繪一圖於上方而歷引史志
及諸天文家言注于下為証如雲物現某氣象則
其占應某事

祥異賦七卷 寫本

右書分賦日月星氣風角各著占驗凡五十六篇
海上占候一卷 寫本

右書詳占潮汐風雨晴晦以上八書俱未詳撰人
姓名

黃帝奇門遁甲圖一冊 寫本

右宋兵部尚書楊維德輯條列奇門定例著有一
十九圖各為之說

奇門遁甲賦一冊 寫本

右書不著撰人姓名卷首缺序目載賦一篇分節
注解後附烟波釣叟歌諸篇并圖式

靈棋經一冊 寫本

右書不著撰人姓名詳靈棋之法布棋成卦以占

兵行吉凶後有劉基序明史菴文志載劉基靈棋
疑卽此書

遁甲吉方直指一冊 寫本

右明登仕郎五官司歷河南蘭陽王弼曳輯闡發
陰陽之數刪除諸凶選合吉曜後附圖說有永樂
甲午自序

奇門說要一冊 寫本

右明郭仰廉輯專論遁甲之法并附歌訣諸圖

奇門總括一冊 寫本

右明泰和蔣時吉輯自序謂得遁甲舊本知其要

領又採取符應經中合用條例彙成一編

七元六甲書一冊 寫本

右書不著撰人姓名多論奇門趨避之法兼占候

奇門要畧一冊 寫本

右書不著撰人姓名衍奇門推算之法採輯諸說
各附釋文

六壬畢法一冊 寫本

右元凌福之撰以六壬法編爲七言韻語分注於
下有寶慶改元年甲辰自序言宗宋邵彥和之法
六壬軍帳賦一卷 寫本

右書劉啟明撰言行軍時休咎

六壬心鏡三卷 寫本

右書題曰不欲子東海徐道符撰是書推論六壬
數學分門繫訣自注凡一百八十一篇以上二書
俱未詳時代

大六壬無惑鈴一冊 寫本

右書不著撰人姓名每舉一課加以斷語著其吉
凶

六壬五變中黃經一冊 寫本

右書未詳撰人姓氏論六壬凡四十五篇分段注

釋

六壬觀月經一冊 寫本

右書不著撰人姓名係六壬數學分為八門占驗

六壬行軍指南十冊 寫本

右書不著撰人姓名排列自甲子至癸亥六十日
期每日下分排各課以推吉凶

通元先生五星論一卷元妙經解一卷 寫本

右書論官命五星相傳是唐元宗時張果所撰其
經解係元主簿瑞安滄洲鄭希誠所釋末附鄭氏
觀星口訣則希誠所著

大定新編四卷 刊本

右書皆言星命之學其說頗詳

呂氏摘金歌一冊 寫本

右書詳載五星十二宮限度以定窮通休咎之驗

寸金易簡一冊 寫本

右書備載子平格局題曰西蜀易鏡先生述

五星要錄三冊 寫本

右書論命編為韻語加以詮釋又引歷代諸通顯

貧夭者之命局以証之

五曜要流二冊 寫本

右書論五曜支干配合生尅以占人休咎

五星考三卷 刊本

右書論十二宮安命五星躔度并詳列各命格以

占休咎以上六書俱未詳撰人姓名

肘後神經三卷 刊本

右明宗室寧獻王權撰推算諸星煞吉凶以為選

日趨避之法

通書大全三十卷 刊本

右書不著撰人姓名序稱清江宋魯珍有通書金

溪何景祥有歷法集成取二書彙合之詳于人事

之占

星禽直指一冊 寫本

右書不著撰人姓名推星命之說其鑑形賦一篇
逐節分解

禽心易見一冊 寫本

右明贛州池本理撰著演禽之法以占諸事吉凶
後有禽斷秘訣歌

禽總法二冊 寫本

右書詳奇門之術載總訣總咒符篆各圖并八門
九星兵法

演禽圖訣二冊 寫本

右書叙二十八宿變化生尅以憑占驗

演禽心法一冊 寫本

右書演甲子六十卦圖占驗行兵吉凶

演禽通纂一冊 寫本

右書演配禽象以推運限以上四書俱未詳撰人
姓名

玉髓真經三十卷後集二十一卷 刊本

右宋國師張洞元輯明張經序云宋張子微氏洞
曉陰陽推測造化乃採諸家所長而參以獨見龍

明貴賤穴別正偏砂之順逆水之向背凡前人所
未發者皆發明無隱又擬諸形容以作圖象而劉
允中之注釋蔡季通之發揮皆互相表章如指諸
掌曰玉髓以言乎至精曰真經以言乎至當蓋集
其大成而為地理全書也嘉靖間福州刻

撥砂經四卷 刊本

右宋處州廖禹撰係禹門人彭大雄編次並彙圖
說

天皇鰲極鎮世三卷 寫本

右書為真人邱延翰正傳唐楊筠松補義宋吳錦

鑿廖禹編輯

地理玉函纂要二卷 寫本

寸金六法二卷 寫本

右二書俱未著撰人姓氏

定穴立向要訣四冊 寫本

右四書俱係堪輿家言各有圖說彙為一編

青囊經三卷 刊本

右書華南逸民陳搏釋注金精山人廖瑀補注

青烏經一卷 刊本

右秦樗里子贏疾撰

浙江採集遺書總錄
狐首經一卷 刊本

右宋濟水游光敬集注

青靈經一卷 刊本

右漢留侯張良撰宋張元注

葬書古本一卷 刊本

右晉郭璞撰明黃慎訂

葬經今文一卷 刊本

右宋蔡元定纂明張希元註以上六書係崑山盛

符升彙刻總名地學古經

堪輿玉尺經十卷 刊本

右元太史邢州劉秉忠撰專明地理劉基賴從謙
為注

地理總括六冊 刊本

右明鄱陽羅鈺撰明理氣審星垣參用二劉廖賴
諸家之說

都天流年圖說二冊 寫本

右明豫章黃汝和撰排次六十年都天圖說以明
陽宅修方之法有萬歷戊申自序

十代風水地理十卷 刊本

右明熊紀達輯分列伏羲風后以下為十代推行

地理之說

地理人天共寶十二卷 刊本

右明海陽黃慎輯博蒐堪輿家各種著述並繫圖說

地理述八卷 刊本

右國朝尚書海寧陳詵撰謂天玉青囊二經爲堪輿理氣之祖後世賴公催官篇及玉尺經無非本二經以發明之故此編專述天玉青囊之義而無不與催官玉尺相吻合凡四經所不載者俱可置之卮言不論

理氣考正論一冊 學稼軒藏寫本

右國朝新安楊光先撰自序謂理氣一書惟催官篇專論訥甲而久悞後天以爲先天無當于二天三盤陰陽五行之理無關羅經之用世之羅經盛推新安以爲賴董諸人久遊其地其書多傳于此方然考之各家藏本咸以虛危之間爲子中張三度爲午中及先天後天之理無別正針中針縫針三盤之用不明以至艮丙庚爲淨陰山坤乙癸爲淨陽山七十二龍之大空詳節六十龍之壬初起甲子六十關煞之濶狹雙山三合元空水法之

淞江採集遺書總錄
停理洪範五行連山歸藏天地父母遊魂絕體諸
卦之穿鑿種種迷昧牽合始知新安之本亦無根
據之學

山法全書十九卷

刊本

右國朝古葵葉泰撰採楊吳各家之說詳於山
巒以別於平陽

地理傳心全集二十五卷

刊本

右國朝許明撰輯要十卷六法六卷三強六卷
陽宅四卷備載五行十七家之法

地理圖經合注一卷尅擇備要三卷

刊本

右國朝上虞趙斌輯前三卷係郭璞葬經斌爲
輯注三四卷曰平陽真傳出其師釋友真所授五
卷曰陽宅纂要并另編尅擇備要三卷皆斌自撰
夢占類考十二卷

刊本

右明長洲張鴻翼輯紀古今夢兆自天象至說夢
分類三十有四

夢兆要覽二卷

刊本

右明禮部尙書鄱陽童軒撰乃考列史傳所載夢
驗

古今識見八卷

刊本

右明尚寶少卿鄞縣袁忠徹撰採古今相法有奇
驗者

兵家類

左氏兵法畧三十二卷 刊本

右明按察司僉事常熟陳禹謨輯摘取左氏傳中
論兵語標題于前而以羣書參証之

禮緯含文嘉三卷 倦圃藏寫本

右宋觀察使張師禹撰分天鏡地鏡人鏡三門共
六十篇有紹興辛巳自序

太公兵法一冊 寫本

右書按隋志有二卷六卷者今止一卷又太公有
六韜六卷元豐中與孫子吳子等書頒行武學號
七書而先儒疑之謂太公遇文王事尙未可信况
談兵者葉水心亦以語類孫吳疑爲僞托然則此
書亦未必爲太公所作

黃石公行營妙法三卷總論一卷 寫本

右書言軍中占驗風雲氣侯之術跋云世傳黃石
公書

將苑一冊 寫本

右書總括兵法共論五十條據正德庚午甯仲升

序云此書出於周源所藏相傳諸葛武侯著

李衛公望江南歌一冊 寫本

右書記行軍占驗附李淳風占法諸葛亮氣候歌

二篇題曰李衛公恐誤按李靖有六軍鏡三卷李

衛公問對三卷見於唐藝文志及文獻通考通考

又有兵要望江南一卷晁氏曰其書雜占行軍吉

凶寓聲于望江南詞取其易記憶總目注為武安

軍左押衙易靜撰或即此書而誤冠以李衛公歟

將門秘法陰符經二卷 寫本

右宋亳州陳搏撰論軍中占驗之事附安營立塞

法一卷按搏本傳云搏著指元篇八十一章又三

峯寓言高陽釣潭等集而不及此書豈宋史偶逸

歟抑後人偽托也

虎鈴兵經二十卷 刊本

右宋烏江主簿吳郡許洞撰採取孫子李筌之精

要詳天時人事之變而以己意附論之洞字洞天

邃于左氏春秋見吳郡圖經續記

武經總要四十卷 寫本

右宋天章閣待制晉江曾公亮等編定分制度十

五卷邊防五卷故事十五卷占候五卷晁氏曰康

定中朝廷恐羣帥昧古今之學命公亮等采古兵法及本朝計謀方畧凡五年奏上御製序

黃帝陰符經講義四卷

寫本

右宋永嘉夏元鼎撰章分句晰發明經義甚詳附圖說一卷元鼎嘗應賈許二帥幕出入兵間故其書不徒爲空言云

太白陰經八卷

寫本

右書不著撰人姓名統論兵陣之法及占驗按唐李筌有太白陰經十卷未知卽此否

軍占襍集一冊

寫本

右書不著撰人姓名亦言軍中占候之術

陰符經注一冊

寫本

右書不著撰人姓名所集乃伊尹太公范蠡鬼谷子張良諸葛亮李筌七家之注

三畧直解三卷

寫本

右書署曰前辛亥進士太原劉寅解乃因太公兵法黃石公素書原本分節詮解之按寅有七書直解二十六卷此則七書之一

紀效新書十四卷

刊本

右明少保右都督定遠戚繼光撰紀行軍方畧自

東伍篇至鍊將篇分十二類又有鍊兵實紀九卷
古今兵鑑三十二卷 刊本

右明順天府尹內江鄭璧輯纂述歷代用兵之事
後四卷兼詳禽道奇門諸法萬歷戊午焦茲序
軍權四卷 刊本

右明江左何良臣撰述古今用兵機宜凡一百四
十七篇

陣記四卷 寫本

右前人撰此則端述陣法故名
運籌綱目十卷決勝綱目十卷 刊本

右明右副都御史陝西巡撫歸善葉夢熊撰二書
乃備述軍務機宜引証前人成事而加以論斷據
明史藝文志載夢熊運籌綱目而不及決勝偶遺
之耳

閩外春秋三十二卷 刊本

右明漢陽尹商輯雜採史傳將畧而附以評語按
唐少室山布衣李筌嘗有閩外春秋十卷起周武
王勝殷止唐太宗擒竇建德則是書乃襲用其名
而增益之者

武備志二百四十卷 刊本

右明歸安茅元儀輯分部爲五兵訣評十八卷戰
畧考三十三卷陣鍊制四十一卷軍資乘五十三
卷占度載九十三卷有天啓辛酉顧起元序元儀
字止生鹿門之孫

戎事類占二十一卷 刊本

右明豫章李克家輯亦載行軍占驗之術

叅籌秘書十卷 刊本

右明貴溪汪三益輯專述太乙六壬奇門禽遁觀
占之法以爲行軍之訣有崇正戊寅自序

農家類

齊民要術十卷 刊本

右後魏高陽太守賈思勰撰記民俗歲時治生種
蒔之事凡九十二篇

農桑通訣六卷 刊本

農器圖譜二十卷 刊本

穀譜十一卷 刊本

右三書元東魯王楨撰詳載農桑藝植蔬穀及器
具等物並有圖說惟穀譜內缺末一卷

養餘月令三十卷 刊本

右明戴羲撰所記皆種植畜牧養生諸事

汝南圃史十二卷

刊本

右明吳中周文華撰乃分紀花木蔬果種植之法

郊外農談三卷

刊本

右明慈谿張鈇撰亦雜記種植鈇字子威能詩有

碧溪集

野菜博錄三卷

刊本

右明新安鮑山編分草木二部草部二卷木部一

卷各繫圖說

壽親養老新書四卷

元刊本

右宋承奉郎興化令陳直撰載四時調攝諸事元

鄒鉉重爲增廣

三元延壽書四卷

刊本

右元李鵬飛撰并序皆論服食起居養生之法附

圖說鵬飛稱九華真心老人其書爲錢塘胡文煥

校刊

飲膳正要三卷

刊本

右元太醫忽思慧撰論列養生服食及物性之宜

有天歷三年進表虞集奉勅撰序今本爲明景泰

七年重刊

多能鄙事三卷

刊本

右明太史青田劉基撰分飲食服飾百藥農圃牧
養陰陽占卜五門爲卷十二有嘉靖間程法序今
止飲食一類非全書

臞仙神隱二卷

明史藝文志作四卷

刊本

右明寧獻王權撰備載服食養生四時藝植之事
臞仙者王號也

安老書三卷懷幼書一卷

刊本

右明監察御史劉宇輯前三卷宋陳直鄒鉉等所
撰後一卷明婁子真所撰多言服食調養醫藥之
方宇彙而校釋之

飲食須知二冊

刊本

右國朝朱泰來撰分飲食類爲八門詳列品味
金漳蘭譜三卷

寫本

右宋趙時庚撰分列蘭品兼詳栽種澆灌之法

百菊譜六卷

刊本

右宋山陰史鑄輯史正志嘗有菊譜一卷是書採
輯仍其舊本附載題咏

蘭易二卷

寫本

右書上一卷題宋鹿亭翁著下一卷題明篔溪子
著上卷以易配蘭自十一月復蘭起至十月坤蘭

止名曰天根易下卷以菘蘭之法為傳十二章以配十翼並附蘭史

菘菊志八卷 刊本

右 國朝膠城陸廷燦撰乃博采菊譜古今賦菊詩文并菘植之法

牡丹史四卷 刊本

右明亳州薛鳳翔撰戲效史體有紀表書傳志諸目故名

永昌二芳記三卷 刊本

右明張志淳撰係山茶杜鵑二花之譜合二花之

類而別其種與名為二卷復以前人之詩歌辭說附為一卷

花史二十七卷 刊本

右明嘉興仲遵撰分花之品花之候花之友花之器等名色

枝語二卷 刊本

右 國朝孫之驟撰

倦圃蒔植記三卷 寫本

右 國朝侍郎秀水曹溶撰以上二書皆雜記草木花果

醫家類

葛仙翁肘後備急方八卷 刊本

右書本晉葛洪所撰屢經後人增損者有抱朴子自序華陽陶隱居序今本為明嘉靖間呂顯重刊褚氏遺書一冊 刊本

右齊侍中褚澄編凡十篇係唐末人發塚所得石刻

重刊巢氏諸病源候總論五十卷 刊本
右書隋大業中太醫博士巢元方奉勅所撰蒼萃羣說研究脉理列諸病為綱諸病下分列諸症候

有宋翰林學士奉勅撰序不署名

經史證類大觀本草三十一卷目錄一卷 刊本

右宋唐慎微撰有大觀二年通仕郎杭州仁和縣尉艾晟序畧云謹微因見聞所逮博采而備載之于本草圖經之外又得藥數百種益以諸家方書與夫經子傳記佛書道藏凡詳明乎物品功用者各附于本藥之左其為書六十餘萬言名曰經史証類備急本草集賢孫公得其本鏤版以廣其傳蓋仁者之用心也按謹本作慎避宋諱也

瓊瑤發明神書二卷 一老閣藏刊本

右宋賜太師劉真人集不著名專論針灸之書載
經絡腧穴并醫治諸法前有崇寧間序按序有云
許昌滑君伯仁父觀其圖彰訓釋綱舉目張足以
爲學者出入向方實醫門之司南也書既成徵予
序之則是書似伯仁注解伯仁孫明初人而見于
崇寧間序恐悞
瘡瘍經驗全書十三卷 刊本
右宋合肥竇漢卿輯原名竇太師全書漢卿以瘍
醫行于慶歷祥符之間隆慶中其裔孫夢麟重爲
增訂梓行

醫說十卷

刊本

右宋新安張杲撰首載列代名醫自三皇及近代
各名家醫論有朝奉大夫權發遣鄞州羅頊序謂
其三世精于醫術今本爲明嘉靖間重刊

類症普濟本事方十卷

刊本

右宋學士許叔微輯博採名方而分類辨其症候
附醫案

如宜方二卷

天一閣藏元刊本

右元東平艾元英輯古來各方取易使民宜之之
義有至正間林興祖至治間吳德昭二序

扁鵲神應鍼灸玉龍經一冊 二老閣寫本

右元婺源王氏撰不著名專論鍼灸之法凡一百二十八穴訣八十五首有天歷己巳武林周仲良跋云其托名扁鵲者重其道而神之也

素問抄補正十二卷附診家樞要一卷 刊本

右明餘姚滑壽撰壽字伯仁曾師事京口名醫王居中以素問中多錯簡分藏象經度脉候病能攝生論治色診鍼刺陰陽標本運氣彙萃為十二類靈秘十八方加減一冊 天一閣藏刊本

右未詳何人所集有嘉靖間泰和歐陽烈序所載

十八方皆參伍舊方而為之者

普濟方一百六十八卷 天一閣寫本

右不著撰人姓名凡論一千九百六十類二千一百七十五法七百七十八方六萬一千七百三十九圖一百三十九查明史藝文志周定王普濟方止六十八卷今此書共一百六十八卷內缺四冊

銅人針灸經七卷 天一閣藏刊本

西方子明堂灸經八卷 天一閣藏刊本

右二書不著撰人姓名俱專言鍼灸部穴禁忌周身穴道分某某處詳論之并著各圖

脉因證治八冊 寫本

右書不著撰人姓名詳開病症并按四時氣候列方于下

醫學正傳八卷 刊本

右明虞搏撰有正德乙亥花溪恆德老人自序謂私淑丹溪之遺風以証分門每門先論症次脉法次方治皆採輯列代名醫之語更以得于家傳及已所親試驗者附入焉前有醫學或問五十條

玉機微義五十卷 天一閣藏刊本

右書明楊士奇序云此編輯于會稽徐彥純吳陵

劉宗厚續有增益皆明于醫者凡五十卷

醫史十卷 刊本

右明山西僉事浚儀李濂輯自序云醫史者余輯前史所載方技列傳以為學醫者之正宗也史無傳而諸名家文集有為之撰傳者亦採錄之都無可考而醫術顯著則僭為之補傳凡得七十有二人

醫開七卷 刊本

右明魏人王世相撰自號清溪子謂摭秘採元于萬法千機若有管轄涇野師愛之命名醫開蓋世

相嘗從學于呂氏柎云

志齋醫論二卷 刊本

右明鄞縣高士撰專論療治痘症之法

袖珍小兒方十卷 刊本

右明衢州徐用宣專輯小兒科諸方分爲七十二門

東垣珍珠囊二卷 刊本

右明李景撰論用藥諸例凡十七篇

經驗良方十一卷 天一閣藏刊本

右明布政使閩人陳仕賢撰搜輯古方分門編次

卷首有醫指脉訣本草要畧

避水集驗要方四卷 天一閣藏刊本

右明鳳陽董炳輯書傳經驗諸方隆慶間趙完璧爲序係炳當淮水浸堞避居危樓所作故名

神應經一冊 二老閣藏刊本

右明陳會撰醫士劉瑾增校專紀鍼灸之術稱得于梓桑君席宏遠之秘傳

運氣定論一冊 刊本

右明吳興董說撰因素問運氣說在六元正紀大論內書亡已久因辨唐王冰僞撰之謬共十二篇

石山醫案二卷 刊本

推求師意二卷 刊本

痘治附辨一卷 刊本

痘治附方一卷 刊本

右四書明祁門汪機撰門人陳桶校勘機號石山故曰石山醫案推求師意者朱丹溪之門人所述機為序而表之痘治二書機自著

類經圖翼十一卷附翼四卷 刊本

右明會稽張介賓撰本內經素問靈樞分類纂輯詳註五行生化及經脉所在著為圖說以志翼經

之意

蘭室秘藏三卷 刊本

右明李杲撰以各症分二十一門每門前列論次列方

仁端錄十六卷 寫本

右明嘉興徐謙撰專論治痘諸法其條列方論頗詳謙字仲光自號醉里澄觀散人

赤水元珠三十卷醫旨緒餘二卷醫案五卷 刊本

右明休寧孫一奎輯究悉病源分門彙載之以辨症為主

浙江採集遺書總錄
萬氏家抄濟世良方六卷

刊本

右明鄞縣萬邦孚輯前五卷係其祖表所纂後一

卷邦孚所增

名醫類案十二卷

刊本

右明歙縣江瓘撰乃纂輯列代醫案

本草乘雅十二冊

刊本

右明錢塘盧之頤撰以神農本紀三百六十五種
原應周天之數無容去取但古有今無存空名者
居三之一因于本經實取二百二十二種又將歷
代名家所纂自陶宏景別錄至李時珍綱目諸書

內共採一百四十三種以合三百六十五之數

傷寒指掌十四卷

寫本

右明仁和皇甫中撰原始內經並採張機諸家之
說

神農本草經疏三十卷

明史藝文志二十卷

刊本

右明常熟繆希雍撰自序謂據經以疏義緣義以
致用參訂疑誤分門闡發並著論三十餘首

聖濟總錄纂要二十六卷

刊本

右書吳山濤序云宋徽宗政和間詔集海內名醫
出御府所藏禁方秘論纂輯成編再刻于金大定

三刻于元大德原本二百卷今本爲新安程材就
原書纂取其要仍冠以宋徽宗原序及元重校時
集賢學士焦養惠進書序并與事諸人銜名

馬師津梁八卷 寫本

右書本明馬元儀撰元儀醫學曾親炙于李士材
喻嘉言此書爲其門人姜思吾校近雍正間新安
汪廉夫得而序之題今名

普門醫品四十八卷 刊本

右書國朝郎廷模序云昔中丞王公肖乾爲此
書于本草綱目中摘錄其方之善者旁推諸名家

驗方詳列症候彙編之附醫品補遺四卷王名化

貞諸城人

痊驥通元論六卷 天一閣藏刊本

右明卞寶輯錄醫馬諸法凡三十九論四十六記

張氏醫通十六卷 刊本

本經逢原四卷 刊本

診宗三昧一卷 刊本

續論緒論一卷 刊本

右國朝長洲張璐撰其子監生張以柔輯康熙
四十四年

南巡時恭進交御醫張獻有查看得此書原于內經可比證治準繩等語

古方選注四冊 刊本

右 國朝吳縣王子接撰取張機及前人成方發明治法末附藥性子接字晉三葉桂師

傷寒分經十卷 刊本

右 國朝海鹽吳儀洛輯本張機傷寒論分經修辨之又以喻昌言原注間有訛謬更為改正

成方切用十四卷 刊本

右前人撰取古今成方一千三百餘首皆切于時

用之方本經按證以發其微

臨證指掌十卷 刊本

右 國朝吳縣葉桂撰乃門人輯其經驗醫案記錄成編

道家類

老子翼三卷 刊本

右明修撰上元焦竑輯于上下二篇輯注釋凡六十四家排續成編而自附焦氏筆乘于末并錄考異

莊子義海纂微一百六卷 寫本

右宋中都道士褚伯秀輯本陳碧虛所纂八家之
注益以郭象呂思卿以下十三家注解并附伯秀
已說薈萃成編

參同契發揮三篇釋疑三篇 刊本

右元俞琰撰以朱子蔡元定袁機仲証正參同契
義有未盡更為闡明

无能子三卷 寫本

右書據新唐書藝文志神仙家云不著人名氏光
啓中隱民間

仙苑編珠三卷 寫本

右唐天台道士王松年輯錄上古迄唐梁以降修
真學道者二百三十二人數蒙求四字比韻成文
為之注

雲笈七籤一百二十二卷 小山堂藏刊本

右宋朝奉郎充集賢校理張君房輯君房因奉勅
詮次道藏得以探討纂成此編自序云掇雲笈七
部之英畧寶蘊諸子之奧總為百二十二卷事僅
萬條習之可以堦雲漢之遊覽之可以極天人之
際今本為明清真居士張萱校訂

昭德新編三卷 小山堂藏寫本

右宋尚書澶州晁迥撰乃論天地之理兼及老莊之旨

三洞羣仙錄三卷

寫本

右宋道士陳葆光輯所採皆歷代神仙事跡序末署云紹興甲戌嵩里竹軒書未詳何人

悟真篇注疏八卷

寫本

右元紹興路儒學教授戴起宗輯本紫陽真人張平叔所著其徒翁葆光原注陳達靈傳起宗爲之疏證

鳴鶴餘音八卷

寫本

右元仙遊道士彭致中輯所採乃古今仙真歌詞多曠達之語前有虞集序

徐仙翰藻十四卷

刊本

右書載記序詩賦書啓贊銘疏牒等作皆出徐仙降神之筆仙名知證詳五代史中爲徐偃王之後石晉天福二年以兵事沒于福州爲神宋嘉熙二年勅封靈濟真人祠于鰲峯之陽元時顯跡特異有至正乙未周壯翁序言其大畧如此後附贊靈集四卷則皆元明間士夫之詩文也閩人彙而梓之

金丹大要十卷 刊本

右書上陽真人撰弟子天琮歐陽天璣序

金碧古文龍虎經三卷 刊本

右書宋保義郎王道注疏淳熙十四年進

周易參同契解三卷 刊本

右書抱一子陳顯微注

周易參同契通真義三卷 刊本

右書宋朝散郎真一子彭曉注

周易參通契分章注三卷 刊本

右書上陽子注

丹書一卷 刊本

右書係金丹四百字內外注不著姓氏

元學正宗二卷 刊本

右元俞琰撰

悟真篇注疏三卷 刊本

右書象川無名子翁葆光注集慶真元子戴起宗

疏

諸真元奧集十卷 刊本

右書紫霞山人涵蟾子編

翠仙珠玉集四卷 刊本

右係羣仙詩文未詳何人所集以上十書統名金丹正理大全明嘉靖間宗室周恭王睦樞校刊有序

霞外雜俎一冊 刊本

右明敖英序云鐵脚道人所著多發養生之旨道人姓杜名異才

鶴林類集四冊 曝書亭藏刊本

右明道士周元初輯第載其師法授受并投贈詩文

觀化集一冊 刊本

右明西奧弄丸山人雲仙約佶撰明宗室也有羅

洪先序

栖真志四卷 刊本

右明夏樹芳輯自周秦至元代之修真靜攝者各詳其事蹟

玉洞藏書四卷 寫本

右明應城李堪輯本悟其篇原文刪其繁複闡明龍虎鉛汞之術

真詮二卷 倦圃藏寫本

右書有序云葆真子所畱真詮余舊嘗刪節之矣

然猶病其多今重爲訂正撮其要旨置之几案時
自考覽爲精進之序亦以比于三年之艾云署丁
酉立秋夢覺子書于掛瓢齋未詳姓名

得一參五七卷 刊本

正右國朝會稽姜中真撰取陰符經道德經參同
契黃庭經悟真篇五書合注之自謂得教外別傳
號得一子故以名書

萬壽仙書四冊 寫本

右國朝金壇曹無極輯專論養生按摩導引之
法并著圖如熊經鳥伸之五禽戲

釋家類

大唐西域記十二卷 刊本

右唐釋元奘譯乃翻譯西域各國風土爲撰次之
六祖大師法寶壇經三卷 刊本

右唐釋慧南撰其門人法海等所集附柳宗元劉
禹錫及釋契嵩所作碑頌

大方廣圓覺經近釋二卷 刊本

右明釋通潤撰依經分節詮釋之
妙法蓮華經台宗會儀十六卷 刊本

右明釋智旭撰亦依經詮釋于每節之首標列經

文大旨

金剛經正文小疏二卷 刊本

右國朝工部主事江都張標撰以舊注無善本
獨標已意詮解

法藏碎金錄十卷 刊本

右宋少傅檀州晁迥撰多論禪理署有趙府居敬
堂字樣未詳

證道歌一卷 刊本

右宋釋元覺撰釋彥琪注乃推闡禪理為曹溪宗
林間錄二卷後集一卷 刊本

右宋釋德洪輯卽洪覺範一名惠洪筠陽人多禪
門故事雋語大觀元年謝逸序稱其呻吟警歎皆
成文章凡二百餘事後集則自著讚銘詩篇

覺迷蠡測三卷 刊本

右明管志道撰亦論禪理後有剩言附錄一冊自
謂與幻然子段侯辨論而作

巖下語二卷 刊本

右明新安張子遠撰自作曠達語編為偶對

寰有詮五卷 刊本

右明太僕卿仁和李之藻撰之藻歸田後與波爾

杜曷傳汎際繙譯內典研論本始摘取天土水氣
火所名五大者而創譯之

法喜志四卷 刊本

右明夏樹芳輯漢唐宋元諸名人之涉于禪學者

高峯語錄一冊 刊本

右宋釋原妙撰原妙駐錫杭湖各山寺示其僧徒

所作明僧繼倫重刊

天目中峯和尚廣錄三十卷 刊本

右元釋明本撰彙載示眾法語及所著詩文偈頌

憨山緒言一卷

觀老莊影響論一卷 俱刊本

右二書明釋德清撰乃闡發梵學證以老莊之旨

卽山集六冊 寫本

右明釋達月撰皆示徒法語并雜著詩文



天慧徹禪師語錄二卷 刊本

右 國朝釋天慧撰門人釋際聖編

恬退錄十四卷 刊本

右 國朝釋明鼎撰明鼎主磬山理安等處講席

其弟子實勝等編次



浙江採集遺書總目

